

Broj: 677-1/24  
Sarajevo, 05.04.2024. godine

## **PROGRAM ZA SUFINANSIRANJE PROJEKATA NA OSNOVU ODLUKA/ZAKLJUČAKA VLADE KANTONA SARAJEVO**

### **Član 1. (Predmet)**

Ovim Programom propisuju se način i uslovi sufinansiranja projekata na osnovu odluka/zaključaka Vlade Kantona Sarajevo. Turistička zajednica Kantona Sarajevo u saradnji sa Vladom Kantona Sarajevo može sufinansirati projekte od izuzetnog značaja za razvoj, unapređenje i promociju turizma u cjelini, turističkih potencijala, obogaćivanje turističke ponude i stvaranje uslova za duži boravak turista u Kantonu Sarajevo.

### **Član 2. (Projekti koji se mogu sufinansirati)**

Na osnovu ovog Programa mogu se sufinansirati projekti od izuzetnog značaja za Kanton Sarajevo, koji ostvaruju komponente javnog interesa u turizmu kojim se postiže ne samo ekonomski prosperitet Kantona Sarajevo, već i promocija kulturne raznolikosti, očuvanje nasljeđa i tradicije i stvaranje pozitivne slike Sarajeva kao atraktivne destinacije za posjetioce i koji doprinose:

- međunarodnoj afirmaciji Kantona Sarajevo kao turističke destinacije, kroz realizaciju najvećih kulturnih i drugih događanja koja imaju međunarodni karakter, privlače veliki broj turista i posjetitelja, i koja kontinuirano unapređuju i jačaju turističku ponudu u Kantonu Sarajevo;
- očuvanju kontinuiteta i tradicijske osnove;
- stvaranju motiva značajnijeg broja dolazaka turista;
- razvoju različitih oblika turističkih atrakcija;
- unapređenju i valorizaciji najznačajnijih kulturno-historijskih atrakcija.

### **Član 3. (Sredstva)**

Sredstva predviđena za realizaciju Programa osiguravaju se u Budžetu Ministarstva privrede Kantona Sarajevo i Finansijskom planu Turističke zajednice Kantona Sarajevo za tekuću godinu.

### **Član 4. (Osnova za donošenje Programa i način realizacije)**

Osnov za donošenje Programa, kao i provedba procedure prijema, evaluacije, odabira i sufinansiranja projekata je Pravilnik o kriterijima i postupku dodjele sredstava za sufinansiranje

projekata od značaja za turizam u Kantonu Sarajevo Turističke zajednice Kantona Sarajevo broj: 420-4/24 od 27.02.2024. godine.

**Član 5.**

**(Stupanje na snagu)**

Predsjednik Turističke zajednice Kantona Sarajevo donosi odluku o usvajanju Programa uz prethodnu saglasnost Vlade Kantona Sarajevo.

Program će biti objavljen na web stranici TZKS [www.visitsarajevo.ba](http://www.visitsarajevo.ba).

Izmjene i dopune Programa provode se po proceduri iz stava (1) ovog člana.



Predsjednik  
Turističke zajednice Kantona Sarajevo

Dr. sci. Haris Fazlagić